

Embargo: Hanya boleh diterbitkan atau disebarkan mulai jam 1200, Jumaat, 15 Ogos 2025



KENYATAAN MEDIA

KEMENTERIAN EKONOMI
JABATAN PERANGKAAAN MALAYSIA

Blok C6 & C7, Kompleks C,
Pusat Pentadbiran Kerajaan Persekutuan, Presint 1,
62514, Wilayah Persekutuan Putrajaya
No. Telefon : 03 - 8090 4681

STATISTIK IMBANGAN PEMBAYARAN MALAYSIA SUKU TAHUN KEDUA 2025

Perjalanan menyokong lebih berterusan dalam Imbangan Akaun Semasa pada ST2 2025

PUTRAJAYA, 15 OGOS 2025 – Terimaan Perjalanan yang lebih kukuh dalam perdagangan perkhidmatan serta defisit Pendapatan Primer yang lebih rendah, Malaysia masih mengekalkan lebihan dalam **Imbangan Akaun Semasa (CAB)** bagi suku kedua 2025. Pada masa yang sama, Akaun kewangan mencatatkan aliran keluar bersih terutamanya disebabkan oleh aliran keluar dalam Pelaburan lain. Pelaburan Langsung Asing (FDI) dan Pelaburan Langsung di Luar Negeri (DIA) merekodkan aliran masuk bersih pada suku ini. Statistik ini dikeluarkan oleh Jabatan Perangkaan Malaysia (DOSM) hari ini, sebahagian daripada Statistik **Imbangan Pembayaran dan Kedudukan Pelaburan Antarabangsa bagi Suku Kedua 2025** yang memperincikan urus niaga ekonomi Malaysia dengan rakan dagang antarabangsa.

Menurut Ketua Perangkawan Malaysia, Dato' Sri Dr. Mohd Uzir Mahidin, "Eksport **barangan** berjumlah RM281.6 bilion manakala import bernilai RM264.6 bilion, menyebabkan eksport bersih mengecil kepada RM17.0 bilion." Keadaan ini membawa kepada lebihan Imbangan Akaun Semasa (CAB) sebanyak RM264.9 juta pada suku tahun ini. Penyumbang utama eksport barangan adalah produk Elektrik dan elektronik (E&E), Produk petroleum serta Minyak sawit & produk berasaskan sawit, khususnya ke Singapura, Amerika Syarikat (USA) dan China. Sementara itu, peningkatan import barangan didorong oleh kemasukan lebih tinggi produk E&E, merangkumi peralatan pusat data, terutamanya dari China, Amerika Syarikat (AS) dan Singapura.

Akaun **perkhidmatan** mencatatkan defisit sebanyak RM3.3 bilion, menunjukkan sedikit penurunan berbanding RM3.4 bilion pada suku sebelumnya. Prestasi yang lebih baik ini didorong oleh penerimaan lebih tinggi dalam Perjalanan serta pembayaran yang lebih rendah bagi Perkhidmatan perniagaan lain dan Perkhidmatan pembuatan. Eksport perkhidmatan merekodkan RM63.7 bilion, manakala import mencatatkan RM67.0 bilion pada suku ini. Perjalanan kekal sebagai komponen utama eksport dengan nilai RM25.9 bilion atau 40.7 peratus daripada jumlah keseluruhan perkhidmatan. Perjalanan mencatatkan lebihan yang lebih tinggi sebanyak RM11.5 bilion, disokong oleh peningkatan perbelanjaan daripada pelawat antarabangsa. Komponen seterusnya ialah Perkhidmatan perniagaan lain dan Pengangkutan masing-masing merekodkan eksport sebanyak RM12.2 bilion dan RM8.7 bilion. Pada masa yang sama, Pengangkutan menjadi penyumbang utama kepada import perkhidmatan dengan nilai RM16.7 bilion, terutamanya pembayaran untuk aktiviti muatan, diikuti oleh Perjalanan pada RM14.4 bilion dan Perkhidmatan perniagaan lain sebanyak RM14.2 bilion.

Mengulas berkaitan akaun pendapatan, **akaun Pendapatan Primer** mencatatkan defisit yang lebih rendah sebanyak RM8.9 bilion berbanding RM17.1 bilion pada suku sebelumnya. Peningkatan ini disokong oleh pendapatan lebih tinggi yang dijana di luar negeri, dengan jumlah penerimaan mencecah RM24.4 bilion, terutamanya daripada Pelaburan Portfolio dan Pelaburan Langsung. Pada masa yang sama, bayaran menurun kepada RM33.3 bilion dalam tempoh yang sama berikutan pelabur asing di Malaysia memperoleh pendapatan yang lebih rendah. **Akaun Pendapatan Sekunder** pula merekodkan defisit sebanyak RM4.6 bilion berbanding RM1.2 bilion pada suku sebelumnya, dipengaruhi oleh penerimaan yang lebih rendah ke dalam negara.

Dato' Sri Dr. Mohd Uzir Mahidin turut menambah, "**Akaun Kewangan** mencatatkan aliran keluar bersih sebanyak RM2.2 bilion, lebih rendah berbanding RM20.3 bilion pada suku sebelumnya. Aliran keluar ini sebahagian besarnya didorong oleh Pelaburan Lain berjumlah RM22.1 bilion yang disumbangkan oleh aktiviti antara bank dengan institusi kewangan dari luar negeri. Sementara itu, aliran masuk bersih direkodkan dalam Pelaburan Langsung sebanyak RM2.2 bilion, Pelaburan Portfolio RM16.4 bilion dan Derivatif Kewangan RM1.3 bilion."

Pelaburan Langsung Asing (FDI) mencatatkan aliran masuk bersih daripada RM15.6 bilion kepada RM1.6 bilion pada suku kedua 2025. Ini disokong oleh suntikan ekuiti yang berterusan dan aliran masuk dalam instrumen hutang, sebahagiannya diimbangi oleh penghantaran pulang pendapatan yang lebih tinggi kepada syarikat induk di luar negeri. Kebanyakan aliran

masuk FDI disalurkan ke sektor Perkhidmatan, khususnya dalam subsektor Aktiviti Kewangan serta Maklumat & Komunikasi, terutamanya yang berkaitan dengan aktiviti pusat data. Pelabur utama FDI adalah dari Singapura, Jepun dan United Kingdom. Sementara itu, **Pelaburan Langsung di Luar Negeri (DIA)** merekodkan aliran masuk bersih sebanyak RM0.6 bilion daripada aliran keluar bersih RM3.5 bilion pada suku tahun sebelumnya. Aliran masuk ini terutamanya disebabkan oleh pencairan ekuiti dan instrumen hutang, terutamanya dalam sektor Pembuatan dan Perkhidmatan, dengan sebahagian besarnya tertumpu kepada subsektor Maklumat & komunikasi. Indonesia, Arab Saudi dan Singapura merupakan penyumbang utama kepada aliran masuk DIA pada suku ini.

Sehingga akhir suku kedua 2025, **Kedudukan Pelaburan Antarabangsa (IIP)** Malaysia mencatatkan aset bersih yang lebih tinggi berjumlah RM63.1 bilion. Jumlah kedudukan aset kewangan bernilai RM2.56 trilion, mengatasi jumlah liabiliti sebanyak RM2.50 trilion. Jumlah keseluruhan pelaburan bagi **FDI** dan **DIA** masing-masing adalah RM1,002.0 bilion dan RM622.5 bilion. Asia merupakan rantau utama bagi kedua-dua pelaburan, dengan FDI kebanyakan dari Singapura dan Hong Kong, manakala DIA banyak dilaburkan di Singapura dan Indonesia. Selain itu, **Rizab Antarabangsa Malaysia** berjumlah RM510.0 bilion pada akhir Jun 2025.


Kepengerusian ASEAN-Malaysia 2025: Jabatan Perangkaan Malaysia (DOSM) akan mempengerusikan Jawatankuasa Sistem Statistik Komuniti ASEAN Ke-15 (ACSS15) yang bertujuan untuk memperkukuh kerjasama statistik ke arah pembangunan serantau yang mampan.

Malaysia buat julung kalinya telah menduduki tangga pertama (1) di peringkat global dalam laporan dwi-tahunan *Open Data Inventory* (ODIN) 2024/25 yang dikeluarkan oleh *Open Data Watch* (ODW), mengatasi 197 negara lain. Pencapaian ini merupakan lonjakan ketara daripada kedudukan ke-67 dalam penilaian ODIN 2022/23.


Kerajaan Malaysia telah mengisytiharkan 20 Oktober sebagai Hari Statistik Negara (MyStats Day), dengan tema 'Statistik Nadi Kehidupan.' Sementara itu, Hari Statistik Dunia Keempat akan disambut pada 20 Oktober 2025 dengan tema '*Driving Change with Quality Statistics and Data for Everyone*'.

OpenDOSM NextGen adalah medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


Carta 1 (a) : Imbangan Akaun Semasa (CAB), 2010 – 2024




Carta 1 (b) : Imbangan Akaun Semasa (CAB), ST1 2019 – ST2 2025




Carta 2 (a): KDNK dan Peratus CAB kepada KDNK, 2010 – 2024




Carta 2 (b): KDNK dan Peratus CAB kepada KDNK, ST1 2019 – ST2 2025




Carta 3 (a): Eksport Perkhidmatan, 2010 – 2024




Carta 3 (b): Eksport Perkhidmatan, ST1 2019 – ST2 2025




Carta 4 (a): Perbelanjaan Pelawat Asing di Malaysia dan Pelawat Malaysia ke Luar Negara, 2010 – 2024




Carta 4 (b): Perbelanjaan Pelawat Asing di Malaysia dan Pelawat Malaysia ke Luar Negara, ST1 2019 – ST2 2025




Carta 5 (a): Aliran dan Kedudukan Pelaburan Langsung Malaysia di Luar Negeri (DIA),
2010 – 2024




Carta 5 (b): Aliran dan Kedudukan Pelaburan Langsung Malaysia di Luar Negeri (DIA),
ST1 2019 – ST2 2025




Carta 6 (a): Aliran dan Kedudukan Pelaburan Langsung Asing (FDI) di Malaysia, 2010 – 2024




Carta 6 (b): Aliran dan Kedudukan Pelaburan Langsung Asing (FDI) di Malaysia, ST1 2019 – ST2 2025




Paparan 1: Pelaburan Langsung, ST2 2025




Carta 7: Kedudukan Pelaburan Antarabangsa (Bersih), 2010 – 2024 dan ST1 2019 – ST2 2025




Carta 8: Kedudukan Pelaburan Antarabangsa (Jumlah Aset dan Jumlah Liabiliti), 2010 – 2024 dan ST1 2019 – ST2 2025




Paparan 2: Kedudukan FDI dan DIA Position mengikut Rantau dan Negara Utama, pada akhir ST2 2025



Carta 9: Aset Rizab Antarabangsa (Bersih), 2010 – 2024 dan ST1 2019 – ST2 2025



Carta 10: Aset Rizab Antarabangsa (pada akhir), 2010 – 2024 dan ST1 2019 – ST2 2025



Paparan 3: Imbangan Akaun Semasa mengikut Negara Terpilih

Negara Terpilih	Malaysia (RM bil.) 	Jepun (100 bil. Yen) 	Singapura (\$ bil.) 	China (USD bil.) 	Amerika Syarikat (\$ bil.) 	United Kingdom (£ bil.) 
2022	57.2	114.4	129.3	443.4	-1,012.1	-53.1
2023	20.0	222.2	120.0	263.4	-905.4	-95.1
2024	27.7	293.7	128.3	423.9	-1,133.6	-75.7
ST1 22	4.9	48.9	32.2	96.2	-291.8	-45.7
ST2 22	4.2	23.0	36.4	84.0	-263.1	-23.8
ST3 22	20.2	22.3	34.3	151.5	-230.5	-11.9
ST4 22	28.0	20.2	26.4	111.7	-226.7	4.1
ST1 23	3.9	25.4	33.0	73.9	-230.3	-25.1
ST2 23	8.2	57.1	31.0	62.5	-232.6	-35.8
ST3 23	7.1	82.2	30.2	68.5	-220.7	-15.1
ST4 23	0.9	57.6	25.9	58.5	-221.8	-19.2
ST1 24	8.7	64.9	33.5	47.2	-242.7	-15.9
ST2 24	4.3	69.0	32.1	55.5	-276.7	-26.3
ST3 24	1.8	89.0	33.9	157.4	-310.3	-12.5
ST4 24	12.9	70.9	28.8	163.8	-303.9	-21.0
ST1 25	16.7	75.6	34.6	165.6	-450.2	-21.0
ST2 25	0.3	70.4	*	135.1	*	*

Nota:

*** Kalendar Keluaran Awal**

Singapura : 25 Ogos 2025
 Jepun : 08 Ogos 2025
 Amerika Syarikat : 23 September 2025
 United Kingdom : 30 September 2025

Sumber: Portal rasmi Jabatan Statistik Negara Terpilih

Dikeluarkan oleh:

**PEJABAT KETUA PERANGKAWAN MALAYSIA
 JABATAN PERANGKAAN MALAYSIA**

15 OGOS 2025